

des filles libertines, & des garçons diffolus en paroles, ce qui n'est que trop ordinaire aux Hurons, & peut y en auoir parmy les Montagnais, avec lesquels ces particuliers se peuuent estre rencontrez.

- 415 || *Des Capitaines, Superieurs, & anciens, de leurs maximes en general, & comme ils se gouernent en leur conseil & assemblées.*

CHAPITRE XXVI.

Aux vieillards se trouue la Sageffe, dit le Sage. Pline en une Epistre qu'il escrit à Fabate, rapporte que Pyrrhe Roy des Epirotes demanda à un Philosophe qu'il menoit avec luy, quelle estoit la meilleure cité du monde. Le Philosophe luy respondit, la meilleure cité du monde c'est Maserde, Sire, un lieu de deux cens feux en Achaye. Le Roy estonné de cette responce luy en demanda la raison, & en quoy il recognoissoit tant d'excellence & de prerogatiue en ce petit lieu, pour ce (dit le Philosophe) que tous les murs de la ville font bastis de pierres noires, & tous ceux qui la gouernent on * les testes blanches. Le Roy admirant sa responce conforme à tout ce qu'en a iamais tenu la sage antiquité, se teut & demeura satisfait, car il est tellement important & necessaire en tout estat que les vieillards & hommes prudens en ayent la conduite & le gouernement, que sans cet ordre on n'en